



Republika e Kosovës
Republika Kosovo / Republic of Kosovo
Komuna e Rahovecit



Opština Orahovac/Municipality Rahovec

REPUBLIKA E KOSOVES / REPUBLIKA KOSOVO / REPUBLIC OF KOSOVO
KOMUNA RAHOVEC / OPŠTINA ORAHOVAC / MUNICIPALITY RAHOVEC
KABINETI I KRYETARIT TË KOMUNES / KABINETI PREDSEDIKA OPŠTINE / MUNICIPAL MAYOR

Njësia Nr./Br./No 02 (Kabineti i Kryetarit të Komunës)

Nr./Br./No 508/20 Nr. i faq./Br.str./No.pg 57

Data/Datum/Date 22.10.20

RAHOVEC / ORAHOVAC

Në mbështetje të vendimit të Kryetarit të Komunës Nr. 02/227/20 të datës 20.01.2020 për caktimin e zyrtarit përgjegjës për mbikëqyrjen e zbatimit të Planit të Veprimit kundër korrupsionit 2018-2021, pas monitorimit dhe mbledhjes së informatave nga Drejtoritë, Sektorët dhe Kabineti i Kryetarit, në cilësinë e zyrtarit përgjegjës të caktuar nga Kryetari i Komunës, hartoj këtë:

INFORMATË

Komuna e Rahovecit, me Vendim të Kuvendit të Komunës së Rahovecit Nr. 1970 të datës 28.06.2018, ka miratuar Planin Strategjik të Veprimit Kundër Korrupsionit 2018-2021, i cili tregon përkushtimin dhe vullnetin e Komunës së Rahovecit në përmirësimin e kontroleve ekzistuese në luftën kundër korrupsionit.

Ky plan ka për qëllim ritjen e mundësisë organizative për reduktimin dhe eliminimin mundësive për korrupsion si dhe forcimin e rezistencës ndaj shkeljeve eventuale korruptive në Komunën e Rahovecit, si dhe ritjen e efikasitetit dhe transparencës në sistemin e menaxhimit komunal.

Në vijim do ju informoj për masat e ndërmarra dhe objektivat e arritura nga Kryetari i Komunës në bashkëpunim me drejtoritë dhe zyrtarët e strukturat e tjera në zbatimin e Planit të Veprimit Kundër Korrupsionit në vitin 2019.

Objektivat strategjike dhe masat e ndërmarra

Siç parashihet edhe në Planin e Veprimit Kundër Korrupsionit 2018-2021, me vendim të Kryetarit të Komunës është caktuar personi përgjegjës (Mirsad Shala) i cili do të bëjë mbikëqyrjen e zbatimit të Planit të Veprimit Kundër Korrupsionit në Komunën e Rahovecit;

Njësia e Personelit, në bashkëpunim me ministritë dhe agjencionet përkatëse të cilat merren me trajnime me qëllim të ngritjes së vetëdijes për eliminimin e mundësive për korrupsion, ka dërguar zyrtarë të ndryshëm në trajnime, me qëllim të ngritjes së vetëdijes për zbatimin e Planit;

Organet e administratës komunale, në bazë të strukturës organizative janë maksimalisht të përkushtuara për marrjen e masave parandaluese me qëllim të parandalimit të përhapjes së kësaj dukurie negative, nëpërmjet rritjes së vazhdueshme të llogaridhënies dhe transparencës në punët administrative;

Kabineti i Kryetarit të Komunës

Kryetari i Komunës mbanë mbledhjet e rregullta javore dhe periodike me Këshillin e drejtorëve të Komunës së Rahovecit, me qëllim të ndërmarrjes së hapave konkret dhe të koordinuar, për ofrimin e shërbimeve për qytetarët dhe palët konkrete, ku përmes këtyre takimeve rritet transparenca dhe llogaridhënia e ekzekutivit të komunës.

Transparenca dhe llogaridhënia komunale bëhet gjithashtu në lidhje me menaxhimin e sistemit financiar të komunës, ku ekzekutivi i komunës mban dëgjimet e rregullta buxhetore, siç janë të parapara me ligjet dhe aktet nënligjore në fuqi.

Gjatë vitit paraprak, Komuna e Rahovecit, përkatësisht Drejtoria për Ekonomi, Zhvillim dhe Turizëm ka bërë regjistrimin dhe vlerësimin e asetëve të Komunës së Rahovecit, në të cilën poashtu ka bërë edhe regjistrimin dhe vlerësimin e pronave.

Prokurimi Publik

Spektori i Prokurimit është duke funksionuar me stafin, i cili posedon përgatitjen e nevojshme për zhvillimin e procedurave të konkurimit dhe specifikimet e tenderit. Në këtë aspekt, në tërë procesin e prokurimit ekziston transparenca duke filluar nga konkurueshmëria e hapur, vlerësimi i aplikacioneve bëhet duke formuar komisione profesionale e deri te shpallja e përfituesve. Në këtë aspekt nuk mungon as trajnimi i kohëpaskohshëm i stafit në Sektorin e Prokurimit, me qëllim të përgatitjes sa më të mirë profesionale, në udhëheqjen e proceduarve të prokurimit publik. Në këtë aspekt, siç parashihet edhe me ligjin e prokurimit, për monitorimin e kontratave dhe kontrollin e punëve caktohen menaxherët e kontratave, të cilat bëjnë monitorimin dhe kontrollin e përmbushjes së detyrave të cilat dalin nga kontratat. Të gjitha kontratat e nënshkruara me operator të ndyshëm, janë të publikuar në zyrtare të komunës uebfaqen në këtë vegëz: <https://kk.rks-gov.net/rahovec/category/prokurimi/kontratrat-e-nenshkruara/?page=2019>.

Menaxhimi dhe Zhvillimi i Burimeve Njerëzore

Njësia e Personelit, siç parashihet edhe me legjislacionin në fuqi, pas aprovimit nga ministria përkatëse, e zhvillon procedurën e rekrutimit, sipas ligjit, ku në fillim bën hapjen e konkursit të brendshëm dhe pastaj konkursin e jashtëm, dhe kandidatët kanë të drejtë konkurueshmërie sipas ligjit. Për përzgjedhjen e kandidatit të suksesshëm formohet komisioni, i cili në fund bën edhe vlerësimin, duke u bazuar në kriteret e qarta të parapara me ligj. Njoftimet për konkurse dhe njoftimet për përzgjedhjen e kandidatëve publikohen në uebfaqe në vegëzën: <https://kk.rks-gov.net/rahovec/category/shpalljet/>

Auditimi i Brendshëm

Njësia e Auditimit të Brendshëm në Komunën e Rahovecit është e kompletuar me staf profesional dhe të trajnuar, të cilat punojnë dhe bazohen në ligjet dhe aktet nënligjore të auditimit të brendshëm. Njësia e Auditimit të Brendshëm në planin e saj të punës i ka të caktuara auditimet të cilat i kryen brenda vitit, por gjithashtu Njësia e Auditimit të Brendshëm ka bërë edhe disa auditime, të cilat janë

bërë me kërkesë të Kryetarit të Komunës. Rekomandimet e dhëna nga Njësia e Auditimit, e obligojnë ekzekutivin e Komunës që në të ardhmen të eliminojnë ato. Raportet e Zyrës së Auditimit të Brendshëm janë të publikuara në këtë vegëz: <https://kk.rks-gov.net/rahovec/wp-content/uploads/sites/23/2020/01/Raporti-Janar-Dhjetor-2019-11.pdf>

Shërbimet Publike

Në këtë drejtori trajnimet e stafit bëhen sipas radhës dhe nevojave të cilat paraqiten në punët e përditshme. Sistemi i raportimit në kryerjen e detyrave të kësaj drejtorie është i paraparë në mënyrë periodike dhe vjetore, duke u bazuar në planet dhe detyrat e punës të përcaktuara nga kjo drejtori dhe stafi i saj.

Kontaktet e drejtpërdrejta të zyrtarëve të kësaj drejtorie me palët janë minimizuar në masë, pasi që kërkesat e palëve dorëzohen në zyrën e pranimit e cila funksionon e ndarë, dhe se përcjellja e kërkesave në këtë drejtori bëhet nga zyrtarët e pranimit dhe sistemit të brendshëm INTRANET.

Planifikimi dhe vendosja e prioritetëve në këtë drejtori bëhet sipas radhës dhe sipas kriterëve.

Të gjitha projektet e kësaj drejtorie janë nën mbikëqyrjen e një organi mbikëqyrës i cili bën mbikëqyrjen e të gjitha projekteve të cilat janë në këtë drejtori.

Kjo drejtori e ka të rregulluar sistemin ligjor, duke përfshirë edhe aktet komunale dhe punon në bazë të rregulloreve dhe ligjeve të parapara.

Kadastr

Punonjësit dhe stafi i Drejtorisë për Gjeodezi, Kadastër dhe Pronë në Komunën e Rahovecit, kohë pas kohë në bashkëpunim me Njësinë e Personelit janë dërguar në trajnime, ku janë njoftuar me procedurat dhe kornizat e matjeve kadastrale, si dhe me kornizën ligjore në fuqi. Në këtë drejtori nuk është raportuar ndonjë parregullsi në afatet ligjore të kthimit të përgjigjeve, në dokumentacion apo në ankesat publike, pasi që stafi u është përgjigjur të gjitha kërkesave, ankesave, regjistrimeve të hipotekave me kohë dhe në afate ligjore.

Të gjitha kërkesat si dhe pagesat e taksave administrative të cilat lidhen me këtë drejtori, janë të rregulluara në mënyrë ligjore, pasi që palët e bëjnë kërkesën te zyra e pranimit, më pastaj në afate ligjore i pranojnë shërbimet e tyre.

Kërkesat e pranuar merren parasysh dhe zgjidhen në mënyrë të drejtë dhe sipas radhës së numrit rendor, përpos kërkesave, të cilat janë paraqitur në numër të pakët, kanë kërkuar informatë shtesë apo dokumentacion shtesë, e me të cilat sipas informatave nga drejtorja janë kërkuar me kohë nga parashtruesit e kërkesave. Kjo drejtori në vazhdimësi bënë publikimin e vendimeve për uzurpim të pronës në këtë vegëz: <https://kk.rks-gov.net/rahovec/kadastr/vendimet/>

Inspektimi

Drejtorja për Inspektim, duke u bazuar në kapacitetin e stafit të inspektorëve të cilat i ka në dispozicion ka bërë punë efektive, ku llogaridhënia dhe transparenca ka qenë në nivelin e duhur, duke u bazuar në informatat e marra nga drejtorja e lartëpërmendur.

Inspektorët komunalë, duke marrë parasysh numrin dhe vëllimin e punëve, përpos orarit të rregullt të punës janë në terren edhe jashtë orarit të punës si dhe gjatë ditëve të vikendit, ku Kryetari i Komunës me vendim i ka autorizuar inspektorët komunalë që të jenë në detyrë.

Me këtë, është bërë mbulimi i zbrazëtirave eventuale të kapaciteteve të stafit të kësaj drejtorie, dhe se në bazë të raporteve të paraqitura, është vërejtur një përmirësim i dukshëm në punën e inspektorëve, gjithashtu, edhe në zvogëlimin e keqpërdoruesve eventuale.

Për largimin e keqpërdorimeve, inspektorët gjatë inspektimeve kanë hasur edhe në ekonomi informale, të cilat janë evidentuar në raporte të regjistruara në drejtori, si dhe të njëjtët, me kërkesë dhe urdhër të kësaj drejtorie janë futur në sistem.

Urbanizmi, Planifikimi dhe Mbrojtja e Mjedisit

Drejtoria për Urbanizëm, Planifikim dhe Mbrojtje të Mjedisit në strukturën organizative të saj e ka forcuar mekanizmin e kontrollit, duke e bërë hierarkinë e punëve dhe mbikëqyrjen periodike të punëve të cilat dalin nga kjo drejtori.

Gjatë përpilimit dhe ndryshimit të planeve rregulluese, kjo drejtori i ka të mbajtura disa dëgjime publike, pasi që të njëjtët janë të rregulluara edhe me akte nënligjore të aplikueshme, me qëllim të rritjes së transparencës dhe llogaridhënies.

Në procedurën e rregullimit të dokumentacionit, në punët të cilat dalin nga kjo drejtori nuk është hasur ndonjë raport ku nëpunësit civil kanë kërkuar dokumentacion shtesë, përpos dokumentacionit të nevojshëm për kryerjen e punëve, të parashikuara me ligj dhe akte të tjera nënligjore.

Punët e kryera në këtë drejtori, sipas informacionit të marrë janë kryer sipas radhës së parashtrimit të kërkesave dhe se nuk ka pasur vonesa në kthimin e përgjigjeve.

Kjo drejtori për rritjen e transparencës dhe llogaridhënies është duke publikuar dhënien e lejeve ndertimore : <https://kk.rks-gov.net/rahovec/wp-content/uploads/sites/23/2020/03/Lejet-ndertimore-per-vitin-2019.pdf> dhe lejet mjedisore komunale : <https://kk.rks-gov.net/rahovec/urbanizem/leje-mjedisore-komunale/?page=2019> .

Bujqësia

Drejtoria e Bujqësisë, ka prezantuar planin e trajnimeve për punonjësit e saj, të cilat në mënyrë periodike i kanë mbajtur me institucionet adekuate për trajnimin e stafit të saj.

Sistemi i koordinimit, komunikimit dhe bashkëpunimit me fermerët ka qenë në nivelin e duhur dhe se të njëjtët janë informuar për secilin veprim, të cilin e ka marrë kjo drejtori për t'i shërbyer komunitetit.

Gjithashtu, kërkesat e paraqitura në këtë drejtori janë marrë parasysh sipas radhës së paraqitjes së tyre.

Arsimi

Drejtoria për Arsim, duke u bazuar në raportin e saj si dhe informatat e marra, është parë se të gjitha konkurset e paraqitura për rekrutimin e stafit të sektorit të arsimit janë bërë sipas procedura dhe rregullave të parapara me ligj dhe akte të tjera nënligjore.

Në të gjitha konkurset e paraqitura, është bërë publikimi i të gjitha informatave të nevojshme: prezantimi i listave të kandidatëve të cilat kanë konkuruar si dhe publikimi i rezultateve përfundimtare. Procesi intervistues është bërë sipas kushteve të parapara me ligj, ku në të gjitha panelet intervistuese si në stafin administrativ ashtu edhe në stafin e mësimdhënësve, janë përfshirë edhe anëtarët e jashtëm siç parashihet me ligj.

Kjo drejtori ka kontakte të vazhdueshme me Ministrinë e Arsimit në lidhje me ndryshimet eventuale ligjore dhe dhe udhëzimet për rregulloret në fuqi.

Zhvillimi ekonomik

Zhvillimi ekonomik në Komunën e Rahovecit është i përcaktuar me kornizën afatmesme të veprimit, të përpiluar nga Drejtoria për Ekonomi, Zhvillim dhe Turizëm ku është paraparë qëndrueshmëria ekonomike dhe zhvillimore. Kjo drejtori në raportet dhe informtatat e pranuar, në përbërjen e saj e ka stafin e domosdoshëm për përpilimin e politikave zhvillimore ekonomike dhe në turizëm.

Përparësi e kësaj politike i është dënë sektorit privat për zhvillimin e bizneseve të vogla dhe të mesme në territorin e Komunës së Rahovecit.

Në raportin e saj, vlen të theksohet se për herë të parë e ka bërë edhe regjistrimin dhe vlerësimin e të gjitha aseteve komunale si dhe regjistrimin dhe vlerësimin e të gjitha pronave komunale.

Objektivat dhe masat e ndërmarra për zbatimin e tyre

- Masat e ndërmarra për zbatimin e këtyre objektivave janë në nivelin e kënaqshëm, pasi që të gjitha planet komunale, planet buxhetore, si dhe masat e ndërmarra strategjike, ju mundësohet pjesëmarrja e qytetarëve përmes njoftimeve, mbajtjes së debateve publike si dhe informimit me kohë të qytetarëve në mënyra të ndryshme për të gjitha çështjet strategjike komunale;
- Në mënyrë që transparenca dhe llogaridhënie të jetë e hapur, uebfaqja komunale përditësohet me informata përkatëse ditore, lidhur me politikën dhe arritjet;
- Duke pasur parasysh angazhimin e plotë kundër korrupsionit, gjithashtu është ritur niveli i bashkëpunimit me Asociacionin e Komunave të Kosovës, Ministrinë e Administrimit të Pushtetit Lokal si dhe me Agjencinë Kundër Korrupsionit, ku Komuna e Rahovecit e ka të caktuar edhe zyrtarin përgjegjës, i cili mbanë kontakte të rregullta në mes të institucionit të Komunës dhe AKK-së;
- Masë tjetër e ndërmarrë nga Kryetari i Komunës, e cila ka të bëjë me planin strategjik kundër korrupsionit është se me vendim të veçantë është caktuar edhe zyrtari përgjegjës për mbrojtjen e sinjalizuesve, e cila është e paraparë me ligj;
- Vlen të theksohet, se Komuna e Rahovecit nuk ka asnjë rast të lajmëruar për korrupsion, gjë që duhet të mbetet edhe synim i qeverisë komunale të vazhdojë edhe në të ardhmen me transparençën dhe luftimin e korrupsionit;
- Një masë tjetër e cila vlen të përmendet për luftimin e korrupsionit, është se Komuna e ka edhe linjën e sigurt telefonike, ku shoqëria civile si dhe komuniteti i biznesit mund të lajmëroj rastet eventuale. Kjo linjë telefonike është në dispozicion pa pagesë për qytetarët e komunës së Rahovecit.
- Të gjitha vendimet, të cilat merren nga Kryetari i Komunës publikohen menjëherë në uebfaqen elektronike të komunës, gjë që e rrit transparençën dhe llogaridhënien ndaj qytetarëve të komunës.

- Mbledhjet e Kuvendit Komunal transmetohen drejtpërdrejtë dhe janë të hapura për publikun, pasi komuna e ka të kontraktuar median lokale, e cila e bën transmetimin e drejtpërdrejtë të mbledhjeve.
- Vlen të theksohet se në mënyrë që transparencja dhe llogaridhënia të jetë në nivelin e kërkuar nga ministritë dhe OJQ-të qeveritare dhe ato joqeveritare që bëjnë monitorimin e komunës, në vazhdimësi janë duke u publikuar vendimet të cilat nënshkruhen nga Kryetari i Komunës, publikohen edhe draft-rregulloret që duhet të dalin në debat-konsultim publik, të cilat pas miratimit në Kuvendi Komunal dhe aprovimit të ligjshmërisë ato publikohen në uebfaqen zyrtare të komunës.
- Në vazhdimësi janë publikuar edhe draft-planet e ndyshme dhe pas miratimit në Kuvendi Komunal, të njëjtët janë publikuar në uebfaqen zyrtare ashtu siç edhe kërkohet.
- Komuna e Rahovecit vazhdon të vlerësohet pozitivisht në pjesën e transparencës dhe llogaridhënies.
- Në këtë drejtim, nga Ministria e Administrimit të Pushtetit Lokal Komuna e Rahovecit vlerësuar me vendin e parë, si më transparentja në mesin e 38-të komunave në nivel vendi.
- Vlerësim pozitiv komuna ka marrë edhe nga KDI dhe OJQ të tjera që bëjnë monitorimin e komunës përgjatë gjithë vitit.
- Përkushtimi i Kryetarit të Komunës dhe zyrtarëve përgjegjës, janë vlerësuar pozitivisht dhe puna që është duke u bërë po nga këta zyrtarë, mund të themi se niveli i transparencës dhe llogaridhënies do të jetë i lartë në vazhdimësi.

PËRFUNDIM

Të nderuar kuvendarë,

Jemi të vetëdijshëm se lufta kundër korrupsionit është detyrë e jona ligjore, është zotimi ynë publik dhe obligim i secilit qytetar të komunës sonë.

Komuna e Rahovecit, vazhdon të jetë e përkushtuar, në luftën kundër korrupsionit dhe respektimin e sundimit të ligjit në mbarë territorin e komunës së Rahovecit.

Përpjekja jonë për zbatimin e planit strategjik komunal kundër korrupsionit, do të jetë më e përqendruar, më dinamike dhe më gjithëpërfshirëse.

Andaj, ju inkurajojmë dhe jemi të hapur që bashkërisht dhe pa asnjë ngurrim të gjithë pa dallim, ta luftojmë korrupsionin pa pushim, kudo që haset ta raportojmë atë tek organet përgjegjëse, në mënyrë që të sigurohemi se, korrupsioni nuk ka vend në shoqërinë tonë.

Ju faleminderit

Me respekt

Mirsad Shala

